



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCXLV. De sanata manu arida.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

duntaxat sit medium homini ad Salutem, illum in-
tantum obligat, in quantum non impedit aliud me-
dium præstantius, quale est, sequi Christum relictis
omnibus, cum vera tum Spiritus, tum rerum Pau-
pertate: quam eligendo Apostoli laudabiliter se con-
jecerunt in necessitatem vellendi spicas. Quod de
Sabbato, idem de alijs medijs, & de creaturis uni-
versim dicendum est. Non ergo creaturam ullam
Finem tuum statuas; sed eatenus illis utaris, quate-
nus tibi serviunt ad ultimum Finem tuum. Illæ o-
nim sunt propter te, non tu propter illas.

MEDITATIO CCXLV.

De sanata manu arida.

Matth. 12. v. 10. Marc. 3. v. 1. Luc. 6. v. 6.

PUNCTUM I. *Et cum inde transisset (Jerofolymis in
Galilæam) venit in Synagogam eorum. Et ecce homo,
manum habens aridam; & interrogabant eum dicentes: si
licet Sabbatis curare? ut accusarent eum. Hanc quæstio-
nem reassumpsit Christus, & reposuit scribis ac Pha-
risæis: unde inquit S. Lucas v. 7. Observabant autem
scribæ & Pharisei, si in Sabbato curaret: ut invenirent, un-
de accusarent eum: ipse verò sciebat cogitationes eorum. Et
ait homini, qui habebat manum aridam: Surge, & sta in
medium. Et surgens stetit. Ait autem ad illos JESVS: In-
terrogo vos, si licet Sabbatis benefacere, an malè? Animam
salvam facere, an perdere? (impediendo propter Sab-
batum restitutionem aridæ manûs, & Fidem in Chri-
stum evidenti Miraculo assertam, ut impedire vole-
bant Pharisei) Addit S. Marcus v. 5. At illi tacebant.*

Et circumspiciens eos cum ira, contristatus est super cecitate cordis eorum. Considera, quemadmodum Christus observatores suos habuit, & sinistros ac malevolos interpretes actionum licitarum, & laudabilium; sic eosdem nec tibi defore, nec fugiendos, aut iniquè ferendos esse, & propter eos nulla officia Charitatis erga Proximum relinquenda esse. Et quando illi præsentes malevolè tacent, absentes verò diffamant, falsò accusant &c, non contra ipsos ira, vel tristitia concipienda est; sed potiùs contra ipsorum propriam ruinam, & damnum, ac DEI offensam: sicut Christus non propter se, sed propter malevolorum cæcitatem ac DEI offensam iratus, & tristatus est.

PUNCT. II. *Ipsè autem ait illis: Quis erit ex vobis homo; qui habeat ovem unam, & si ceciderit hæc Sabbatis in foveam, nõnne tenebit, & levabit eam? quantò magis melior est homo ove? Itaque licet Sabbatis benefacere.* Tunc ait hominì: *Extende manum tuam. Et extendit: & restituta est Sanitati, sicut altera.* Matth. à v. 11. Ecce Christus, ne etiam per bonam actionem alijs esset scandalo, vel offendiculo, priùs clara ratione demonstrat, eam non solùm licitam esse; sed simul ostendit, quanta sit celeritate occurrendum, ac succurrendum Saluti propriæ vel alienæ. Si enim non improbavit celerem opem ovi in Sabbato latam, & si salutem corporalem noluit differre in alteram diem, quamvis suspicio violandi Sabbati, & hinc orta indignatio, ac odium Judæorum dilationem suasissent: quantò minùs differenda est Salus & liberatio Animæ ab omni ægitudine? quæ vel maximè Sabbato procuranda est modo à Thoma Kempensi insinuato. l. 1. c. 19. n. 6. ubi ait: Circa Principalia Festa renovanda

da sunt bona exercitia, & Sanctorum suffragia ferventiùs imploranda. De Festo in Festum proponere debemus, quasi tunc de hoc sæculo migraturi, & ad æternum Festum perventuri. Ideoque sollicitè nos præparare debemus in devotis temporibus, & devotiùs conversari, atque omnem observantiam distictiùs custodire, tanquam brevi Præmium laboris nostri à DEO recepturi. Atque iste conatus extensio manùs est, quâ ariditas sanatur.

PUNCT. III. *Exeuntes autem Pharisei consilium faciebant adversus eum, quomodo perderent eum. JESVS autem sciens recessit inde.* Matth. v. 14. Sic & tu vincere cum possis, interdum cede sodali. Et saltem inconsulto concepta adversus te odia, ac ingratitude patienter sustine, cum Christus odia ex consilio & magna deliberatione adversus se concepta patienter sustinuerit.

MEDITATIO CCXLVI.

De Electione duodecim Apostolorum.

Luc. 6. v. 12. Matth. 10. à v. 1. Marc. 3. v. 13.

PUNCTUM I. *Factum est autem in illis diebus* (quibus Iram Judæorum declinans ad mare Galilææ turbam docuit, & plurimos ægros, ac à Diabolo obsessos curavit) *exiit in montem orare, & erat pernoctans in Oratione DEI.* Luc. 6. v. 12. Locus Orationis, nempe mons, significat ascensionem & Elevationem mentis supra omnia terrena, ita ut nihil horum distrahat, vel detineat. Tempus nocturnum denotat quietem animi ab omnibus functionibus & sollicitudinibus :
hæc